

versatum. Locus uti obs. suas instituat, erit in suburbe Hafniensi, reliquæ autem conditiones nondum determinatæ. Vidi jam ex relationibus publicis Dn: Förster navem ascendere, quam repudiarunt Dni Banks & Solander; Omnes istos viros peculiari conversatione in Anglia novi, ideoque prævideo Monoculum istum loco Argi naturæ præfectum, quantaque itaque copia rerum Virum aliàs diligentem effugiat. Semina multa inveni in cistis Arabicis, quæ botanico nostro D: Friis Rottböll tradidi, omnia a Forskålio collecta & nominibus latinis ac arabicis insignita erant, utinam ea maturius quæsivit Ascanius. Descriptiones piscium quas supra memoravi intra breve tempus tuo judicio tradam ut de dubiis adeo generibus sententiam Tanti Viri, si concedas, reportam. Vire & Vige diu felix, ceterum Vale & me ama. Dabantur Hafniæ d. 5 Julij 1772.

Prodiit Dissertatio Viri eruditi in Svecia de Testaceis tractans & figuris illustrata sed eam non potui hic acquirere.

Prodiit nuper Annus 5<sup>tus</sup> D: Scopoli, cui nondum venit tædium nova genera citra necessitatem exordiri.

Pour monsieur Charles de Linné Chevalier de l'Ordre de Nordstjerne Medecin premier, Professeur & Membre des Academies illustres de l'Europe a Upsala.

(52) Viro Perillustri & Celeberrimo  
Equiti Aurato

D<sup>no</sup> Carolo de Linné

S. pl. d.

Martinus Thr. Brünnichius

Commercium literarum, quo me diutius honorasti, multo jam tempore suspensum fuit, idque ob negotia apud fodinas Kongsbergenses mihi injuncta, ubi tædioso labore, juris magis quam naturæ consultis proprio, per tres annos vacabam; ideoque nescio, si post ultimas Tuas, sub finem anni 1772 datas, meas reddiderim. E Norvegia jam reversus et celebratis nuptiis, etiam in ordinem digestis propriis collectionibus,